



新刻姓源珠璣卷之六

江陰楊信民編輯

○一屋

東南陽羽音踈廣之後曾孫孟達避王莽之亂去足
為東

東哲博學知名晉太康中大旱哲為請雨大霽民
歌之曰東先生通神明請天三日甘雨零我黍
以育我稷以生何以酬之報東長生仕至尚書

郎 事文類聚

卜西河羽音周卜人氏之後以官為氏

卜式河南人以田畜爲事漢武帝召拜中郎牧羊
上林布衣草屨歲餘羊肥息上善之式曰治民
亦由是惡者去之母令敗羣拜緱氏令漢武帝傳

木吳興羽音端木賜之後避仇去端字

木玄度晉人爲楊駿主簿作海賦晉文章志

穆河南羽音宋穆公之後又秦繆公支孫以謚爲氏

穆生魯人楚元王少時同夜詩浮丘生不嗜酒常

設醴待之後久乃忘設焉生曰可以去矣元王傳

穆脩字伯長師陳搏受易安祥初第士爲文學參

軍

繆彤字豫公幼喪父兄弟四人同居及各娶妻

鬪爭求分財異居彤乃閉戶自過曰繆彤汝修

身謹行將以整齊風俗柰何不能正其家乎悉

叩頭謝罪復敦睦共居漢獨行傳

宿東平徵音伏犧風姓宿國以國爲氏

宿瘤齊女賢而陋齊王出遊百姓盡觀宿瘤採桑

如故王怪問之對曰父母命採桑不教觀大王

王賢之命後車載之對曰父母在堂而隨大王

是奔女也王安用之使使聘之父母驚爲沐浴

更衣對曰如是變容王不識也如故隨使往以

列女傳

陸河南角音齊宣王封少子楚於平原陸郡因氏

陸賈楚人有辯才漢祖使說南越尉佗賜印封王

佗稱臣拜為中大夫 通鑑

陸續漢永平中坐楚王英事繫洛陽獄一日對食

泣曰母來不得見獄吏曰何以知之曰吾母切

肉未嘗不方斷葱以寸為度吏上書言狀赦之

為會稽戶曹 漢書列傳

陸續六歲時見九江表術術出橘績懷三枚去辭

墮地術戲曰陸郎作賓客而懷橘乎答曰欲歸

遺母術奇之 吳志

陸璣字士衡身七尺聲如鐘少有文才仕吳吳敗

仕晉入洛戲語家犬黃耳曰吳中久絕家音汝

能往否犬搖尾作聲乞書璣以書貯竹筒繫頸

犬去一月而返璣以為不去視之乃家書也後

歿葬曰黃耳塚 陸機傳

晉成都王穎假機大都督戰敗宦人孟玖譖其

有異志臨刑歎曰華亭鶴唳可得聞乎與弟雲

俱被害是日昏霧四合大風折水平地雪盈尺

人以為陸氏寃也 晉書

弟雲字士龍夜行迷路至一家求宿見少年與
談老子詞致深遠向曉辭去行數里天明問所
宿乃王弼塚也自是學進本傳

因張華家初識荀鳴鶴華曰相見勿作常語乃
通名曰日下荀鳴鶴谷雲間陸士龍 後華補

為浚儀令

陸羽字鴻漸初不知所生自筮得漸曰鴻漸於陸
其羽可用為儀因為姓名隱若溪稱桑苧翁嗜

茶著茶經

隱逸傳

陸遜江東大族也呂蒙言於孫權曰陸遜謀識深

長拜偏將軍破先主於馬鞍山志曰乃為陸遜

所抑

蜀志

陸修靜晉末道士友惠遠陶靖節世傳三笑

互見佛

號簡寂先生

陸通至孝母吳人好魚北土難得舍側湧泉有魚
人稱孝魚泉

陸龜蒙字魯望唐進士不第居松江甫里不與俗
流時乘小舟書筆釣具爾號江湖散人

陸贄吳人年十八第進士唐德宗拜翰林學士貞
元中拜相謚宣公有疏奏議行于世

陸九淵號象山宋乾道登第生徒數百論朱子太極加無極二字

陸游號東山詩曰小樓昨夜聽春雨深巷明朝看杏花宋稱書監

陸文圭字子方江陰人元進士讀書一過終身不忘有墻東類稿

伏太原商音伏犧風姓之後處與宓同

宓不齊字子賤為單父宰恐王聽讒不得行其政乃請王之近史俱之日使書之書善輒掣其肘書不善又怒掣其肘歸告魯君君語孔子子曰

君子也以此為諫公寤使吾從之制政遂行為單父宰鳴琴不下堂而單父治巫馬期戴星出入而單父亦治問政曰我則任人勞心則閒子則任力勞力則忙

呂氏春秋

伏生名勝濟南人為秦博士漢文帝即位求尚書生時年九十餘老病在床語音不切使其女傳言晁錯與二書生信口錄之得二十九篇

書序

處妃伏犧之女溺洛水中遂為洛神曹植作洛神賦翩若驚鴻婉若游龍

祝太原商音周武王封黃帝之後于祝因氏又祝史

之後以官爲氏

祝融顓頊氏之子曰黎實能火祀爲竈神 周禮

祝雞翁居洛陽尸鄉養雞百餘牢各有名呼名而

致雞本朱氏翁化故呼朱朱 列仙傳

祝欽明唐中宗祭酒上宴羣臣欽作八風舞盧藏

用曰五經掃地矣 拾遺記

竹夜郎漢武帝時中郎將唐蒙通西夷入夜郎以爲

犍爲郡初有浣女見三節竹流入足間中有聲

剖得兒及長自爲夜郎侯 通鑑

鬻南康宮音鬻熊子鬻拳爲楚大夫之後

鬻融子年九十謁文王王曰嘻老矣子曰使臣捕

虎逐鹿誠老矣使策國事則尚少因立爲師

犢牧子齊人年七十無妻見雉朝飛雌雄相隨撫琴

而歌故琴操有雉朝飛 琴譜

○二質

郅河東徵音

郅都前漢人直諫面折側目視人人號蒼鷹遷鴈

門太守

郅惲漢建武中爲東門侯帝出獵夜還惲拒關明

日賜布遷長沙太守 本紀

漆南昌商音漆雕開之後其先居雍州漆水故氏後
漆沉爲魯相世爲青州河北人

漆澄豫章人釣於蜀水忽得金鎖引之不絕俄而

盈舟

瑞州志

漆室魯女嘗憂君老而太子幼隣婦曰此丈夫之
憂婦人何與女曰魯有患婦女安可逃乎嘗有
客舍吾家馬食葵吾終歲不得食葵吾兄追亡
溺歿吾終身無兄吾其無憂乎

史記

畢河南徵音周文王第十五子畢公高之後

畢卓晉吏部尚書性嗜酒嘗曰得酒滿數百斛船

佳味置兩頭左手持蟹螯右手持酒盃拍浮酒

船中足樂一生矣

晉書

嘗比舍郎釀熟卓因醉夜下盜飲爲掌酒

者所縛明日視之乃畢吏部也

本傳

畢宏工畫松石唐大曆中給事杜詩畢宏已老韋
愜少

畢誠少貧然薪夜讀博通經史唐宣宗時在翰林
嘗問邊事對甚悉遷邠寧節度

唐書

乙高平徵音殷天乙之後以王父字爲氏

乙普明清河人兄弟爭田蘇瓊爲太守諭之曰世

上難得者兄弟易得者田地因而泣下兄弟感
之遂不分

北齊循吏傳

吉馬翊徵音黃帝之胤周大夫尹吉甫之後以字爲氏
吉士瞻夢積鹿皮曰鹿祿也仕梁爲直閣將軍清

約無私

南史

詰汾嘗出畋見輜輶自天而下有一美婦自稱天女
受命相偶請期復會於此言訖而別及期至畋
處又見天女授所生男曰當世世爲帝王卽神
元皇帝也諺曰詰汾皇帝無婦家力微皇帝無
舅家乃後魏拓拔珪之五世祖也

史記

屈臨海宮音楚公族芊姓之後楚武王子瑕食采於

屈因氏

屈原名平字正則又字靈均

王襄

昭屈景三

族爲三閭大夫秦昭王欲與懷王會於武關且

疑懼原謂秦無信不可行王子子蘭勸行秦伏

兵劫王至咸陽歿於秦頃襄王立蘭爲令尹原

曰王之不明豈足語哉靳尚譖之王怒謫江南

乃作離騷寄怨五月五日投汨羅歿後人哀之

以是月日爲竹筒盛米祭之漢建武中長沙歐

回白日見之謂曰君嘗見祭甚善苦蛟龍所竊

後有惠以楝葉塞其上仍以五綵絲縛之則蛟懼不食

續齊諧記

今人爲角黍以菰葉裹米象陰陽相包裹未分非爲祭也

競渡者俗祭屈原以舟楫之是其遺俗取其輕利謂之飛鳧今龍舟奪標以爲故事 宋元祐中加封忠節靖烈公

屈到楚人嗜芟有疾召宗室屬之曰祭我必以芟及祥而祭用芟子建命去之曰夫子不以私欲干國之典也

國語

○三葛

葛頓丘商音葛天氏之後 夏葛伯嬴姓國也亦爲葛氏

葛玄從左元放授九丹經與客對食口中飯盡成大蜂張口飛出復嚼成飯帝問百姓思雨乃飛符著社遂大雨

神仙傳

葛洪字稚川丹陽句曲人好仙晉咸寧初王導薦爲散騎常侍洪以交趾出丹砂求爲勾漏令乃於羅浮山煉丹號抱朴子八十一尸解師事鮑玄玄愛重以女妻之

列仙傳

○四轄

薩天錫蒙古名都喇元參政有文林集

○五屑

薛河東徵音黃帝裔孫為夏車正禹封薛侯因氏春

秋薛侯來朝

薛譚學謳於秦青未窮青之技遂辭歸青餞於郊

撫節悲歌聲振林谷響遏行雲譚乃謝終身不

敢言歸

列子

薛包字孟嘗汝南人好學篤行喪母事父孝父惑

於後妻憎包而逐之孝益篤父母感而還漢建

元中徵侍中不拜

劉平傳

薛收隋司隸校尉薛道衡之子年十二北面事河

汾王通受王佐之道為秦王主簿

薛道敬收之從姪也與從兄薛德音同名唐武德

中俱登顯職

薛元超收之子九歲襲爵嘗曰有三恨不以進士

一也不娶王家女二也不修國史三也唐高宗

拜中書令

傳聞錄

薛稷字嗣道收之從子魏徵之甥唐貞觀間虞褚

以書顯稷精書畫屬文如良金美玉累遷中書

舍人睿宗加少保封晉公杜甫有畫壁畫鶴詩
云薛公十一鶴皆寫青田真永嘉記青田有雙
鶴年年生子長大即去 黃鶴注

薛仁貴絳州人唐貞觀末上親征高麗遼東仁貴
應募立奇功上曰不喜得遼東喜得虜將拜中

郎將 太宗本紀

高宗時高麗九姓聚十餘萬反仁貴三箭殺三
人氣攝乃降歌曰將軍三箭定天山壯士長歌

入漢關 通鑑

揭傒斯字曼碩豫章人元翰林學士

驚令荆人歿其尸泝水上至汶山下復生見望帝立

為相自以賢不及令乃讓國號開明帝五代時

為王 蜀本記望帝亡魂化為子規蜀人聞其鳴

曰我君也 成都記互見杜

列榮陽徵音列禦寇之後

列禦寇鄭穆公時人得仙御風而行旬有五日周
遊而返著書八篇號列子

越王勾踐伐吳有獻醇醪王命注之上流令士卒下

流飲之如酒佳美伐吳之師力戰百倍 吳越春秋

泄柳魯繆公時人公就見之柳閉門而不內 史記

析從阮子析德辰俱為周節度使析可適熙寧稱將
種析彥質紹興中參知政事歷數世為宋臣

宋鑑

○六藥

岳鄴都角音

岳飛字鵬舉生時有大鳥飛鳴屋上因得名讀左
氏春秋宋靖康初金人南侵二聖北狩飛應募
紹興間大小百戰未嘗一敗能以寡擊衆入覲
賜金絲戰袍 建炎間武陵人鍾相僭號楚據
洞庭辰岳為劇寇官軍陸襲之則入湖水攻之
則登岸曰有能害我除是飛來會飛兵至急攻

之赴水歿 金人南侵秦檜王和飛東南再

曰非臣不稱職實秦檜之候也竟為檜所殺謚

武穆王三子雲雷霖俱驍勇

宋文鑑

樂南陽角音宋微子之後戴公生公孫衍字樂父以
字為氏

樂羊子遠遊就師一年來歸妻跪問故羊子曰久
行懷歸無他妻乃引刀趨機曰此織生自蠶繅
成於機杼一絲而纍以至於寸纍寸不已遂成
丈疋夫子積學當日知其所亡以就懿德若中
道而歸何異斷斯織乎羊子感其言遂還終學

列女傳 爲魏文侯伐中山三年拔之文侯示以

誨書盈篋 十八史

樂毅魏人燕昭王招賢往爲亞卿拜上將軍帥秦魏韓趙之師伐齊齊淖齒殺王下齊七十餘城封昌國君惟莒即墨未下併軍圍之期年或讒於王曰呼吸之間下七十餘城今兩城非力不及欲南面而王耳王斬言者封毅爲齊王毅不受以歿自誓齊人服其義昭王薨子惠王立田單行反間使騎劫伐之毅奔趙趙欲使伐燕曰臣在燕如在趙也卒於趙 史記

樂廣晉人嘗有客來謁飲酒得疾杯之曰飲見杯中蛇意惡之而疾於時壁上有角弓畫蛇日影射之必此也復置酒於此召飲仍見杯中蛇告以弓影豁然病愈 晉書

索武威商音殷人索氏之後

索靖字幼安晉武帝擢尚書郎與衛瓘俱以草書得名婉若銀鈎漂若驚鳥嘗指洛陽宮門銅駝嘆曰會見汝荆棘中 少微

霍太原羽音周文王第六子霍叔之後以國爲氏

霍去病善騎射漢武帝朝從衛青爲驃姚將軍凡

六出擊匈奴封居胥禪臨瀚海

通鑑

霍光漢武帝大將軍出入禁闈二十餘年小心慎

密不失尺寸封博陸侯歿賜玉衣

歿者珍異之衣

宣帝

臨哭之謚曰宣成賜葬具如乘輿制三百家奉

園陵疇其爵邑

疇不復減也集賢

許后當娠病妻顯謂女醫淳于衍曰后病以毒

藥投之小女成君即為后富貴共之衍即搗附

子入藥加煩悶崩有言藥毒后侍醫收獄顯恐

告光光大驚欲舉不忍署勿論衍入女為后及

立太子與顯怒不食曰民間時子安得立后有

子反為王禹雲山為大將軍都督大司寇等

驕恣縱橫謀反事覺俱戮於市

駱內黃商音齊太公子駱之後以王父字為氏

駱賓王七歲能詩文與王勃盧照璘楊炯號四傑

武帝朝為臨海丞怏怏棄官

新唐書

薄鴈門宮音漢賢人薄疑之後

薄昭漢文帝元舅驕恣殺漢使帝不忍加刑使百

官喪服往哭之乃自殺

通鑑

郭太原商音周文王弟號叔號聲訛為郭

郭隗燕人昭王欲招賢以強燕隗昔有求千里馬

馬者賫千金往馬已死五百金買其骨還怒曰
何爲人曰死馬尚買之况生者乎馬至矣不期
年至者三大王欲招賢先從隗始賢於隗者豈
遠千里哉乃築臺置金師事之樂毅自魏往劇
辛自趙往史記

郭巨後漢人家貧奉親不給以幼子分食欲埋之
鑿地得釜金上曰天賜孝子郭巨富不得奪民

不得取

孝子傳

郭翰乘月卧中庭見空中一少女冉冉而下曰吾
天織女上帝命下人間願乞神契乃升堂共枕
欲曉辭去後夜復來翰曰牛郎何在那敢獨往
曰陰陽變化關渠何事至七夕忽不來數夜方
至夜悽惻流涕曰帝命有期便當永訣以七寶

枕留贈

神異錄

郭伋後漢建武中守潁川帝勞之曰賢能太守去
帝城不遠河潤九里京師皆蒙矣本傳後爲并

州刺史行部到河東小兒各騎竹馬來迎

六帖

郭公精於卜筮郭璞從之受業公以青囊中書九

卷授之

郭璞字景純得郭公青囊書由是洞知天文五行

卜筮之術門人趙載竊其書未及觀爲火所焚
晉元帝朝爲著作佐郎

本傳

居廬江愛主人婢無由得之乃取赤豆二升繞
宅撒之主晨起見赤衣數千人圍宅熟視則滅
甚惡之請璞卜之曰君家崇婢之招也請出之
崇可除竟得此婢崇皆背縛投井

方術傳

郭泰字林宗太原人學識儒雅能鑑人德行人重
之雨墊巾角人皆效之

六帖

郭子儀唐肅宗平安史之亂功居第一身繫安危
二十年八子七壻皆顯官諸孫數十富貴壽考

哀榮終始代宗呼爲大臣德宗賜名尚父封汾

陽郡王年八十五薨賜葬建陵謚忠武王

通鑑

郭熙宋人工畫山水寒林坡詩云玉堂卧到郭熙
畫落興已在青林間

鄂武昌商音晉鄂侯之後子孫以國爲氏

鄂千秋沛人漢祖定功行封鄂進曰蕭何萬世功
當封第一上曰進賢受上賞得鄂君益明封安

平侯

高祖紀

卓西河徵音

卓茂漢平帝時爲密令天下大蝗河南二十餘郡

皆灾獨密不入道不拾遺愛民如子光武訪爲

太傅封褒德侯循吏傳

郝太原徵音殷帝乙王子周封太原郝鄉因氏

郝廉後漢人性廉潔常遠行於路飲馬輒投錢井

中過姊家姊設食乃暗留金席下而去漢書

郝隆七月七日人皆曬書隆於庭中向日仰卧人

問之曰曬腹中書耳世說

○七陌

伯河東宮音舜臣伯益之後伯宗晉大夫梁山崩晉

侯召問之路逢絳人曰山有朽壤而崩君爲不

舉徹樂出次祝幣禮焉伯宗何爲左成五年伯

州犁宗之子奔楚爲大夫

伯詔州犁之子奔吳爲太宰受越賂說吳王赦歸

國致越滅吳史記

伯牙子善琴呂氏春秋互見鍾

白南陽商音黃帝之後白公勝楚大夫白乙丙秦大

夫

白圭周人也樂觀時變曰人棄我取人取我與吾

治生猶伊呂之治國孫吳之用兵故曰治生祖

白圭六帖

白公尾生古之信士期女子於梁下女子不至水
至不去抱梁柱而死抱朴子師古曰卽微生高
也

白起衛人爲魯魏秦將秦封武安君攻趙長平殺
趙將括坑降卒四十餘萬拔楚南郡故宜五城

卽郢郡也
通鑑

白樂天名居易唐元和進士遷左拾遺貶江州司
馬入主客郎中遷知制誥晚年放意詩酒居東
都疏沼種柳號醉吟先生

居香山稱香山居士與僧如滿結社與胡杲吉

政等九老宴集俱年八九十繪九老圖見胡氏集

所吟詩文人爭傳寫雞林行賈售其國相二篇

一金與元稹多酬咏號元白卒刑部尚書二妓

一名小蠻善舞唱楊柳枝一名樊素有詩曰櫻

桃樊素口楊柳小蠻腰

龜年樂天子也一日於嵩山東巖遇李白曰吾
與汝父皆仙矣出一軸素書曰讀此可辨九天

禽語試之悉驗事文類聚

女名金鑾十歲寫北山移文樂天買石刊

號弘農角音周號公之後

號國夫人楊貴妃姊也自有美艷不施粧粉素淡而朝樂天詩云號國夫人承主恩平明上馬入金門却嫌脂粉汚顏色淡掃蛾眉朝至尊有夜明枕置堂中紅光照室

開元遺事

席安定商音晉大夫籍談之祖伯儵司晉典籍因氏裔孫環避項羽名改爲席

席豫唐相韓休舉以自代典選知之上試詩曰豫詩詩人冠冕也

席子擇遭喪黃山谷憐其貧糾同志助之曰富者不仁理難與語仁者不富事難獨成百足之蟲至死不僵願與諸君同拯之

石武威徵音衛大夫石碯之後

石碯衛大夫公子州吁弒桓公自立其子厚從之問定君於石子使朝陳請王命碯使告陳曰彼二人實弒寡君請圖之陳請蒞於衛衛使宰醜蒞殺之

左隱四年

石奮漢景帝朝爲九卿四子皆二千石號萬石君至孫二千石者十三人

長子建爲郎中令白首每歸謁必問侍者取中帟廁諭浣之以付侍者勿令知之

帟中衣也廁諭小汗衫也

石苞晉武帝司徒六子越喬饒凌雋崇

石崇字季倫小字齊奴父苞臨終崇幼獨不及家

財後航海致富晉惠帝朝爲荊州刺史置金谷

別墅在河陽一名梓澤

本傳

爲衛尉爲常侍與貴戚王愷羊琇之徒奢靡相
尚愷以飴澳金崇以蠟代薪崇以椒塗壁愷以
赤石脂愷春遊作紫絲步障四十里崇作錦帳
五十里愷得珊瑚樹高二尺許示崇崇以鐵如
意擊碎之愷惋然崇曰不足悵快命左右取三
四尺高者六七株愷恍然自失

本傳

愛妾十數人屑沉香塵布象床上使踐之無迹

賜珍珠百琲有迹則節飲食閨中戲曰爾非細

骨輕軀那得百琲珍珠

本傳

劉寔詣崇如廁見絳紗裯褥甚麗二婢持香囊

寔便退笑謂崇曰誤入卿卧内崇曰是廁爾

晉史

作韭萍薺荳粥咄嗟而辦王愷密賂帳下得之

崇不傳遂殺告之

有梁氏女名綠珠美而艷崇以珠三斛買之爲

妓中書令孫秀使人求之時在金谷園方登清

涼臺使者以告崇出其婢數十人使選使曰受

命惟綠珠崇勃然曰吾所愛者使曰願加三思
固不然使回報時趙王倫專權會淮王允反敗
秀以崇奉允反勸倫誅崇崇宴樓上介士到門
崇謂珠曰爲汝得罪珠泣曰當效死於君前投
樓下死崇詣東市歎曰奴輩利吾家財縣者曰
知財致害何不早散遂被害

晉史

石勒字季龍羯人也年十四行販洛陽倚都門長
嘯王衍見而異之曰此胡雛觀其志聆其聲恐
爲天下患據馳之已去後屬劉聰聰弱自立爲

後趙

晉書

石虎石勒之後裝飾宮人美艷者斬首置盤中宴
客傳之以觀

石敢當五代劉知遠爲晉祖押衙潞王從珂及唐
愍帝出奔遇於衛州知遠遣力士石敢袖鐵椎
侍晉祖與愍帝議事知遠擁入石敢格鬪死知
遠盡殺愍帝左右因燒傳國璽獨留帝乘傳而
已

通鑑

石曼卿工詩詞死爲仙有見乘一青驪如飛曰吾
爲仙主芙蓉城

直漢國商音直不疑之後

直不疑前漢文帝時爲郎其舍郎有告歸者誤持同舍郎金去亡金者意不疑買償之後告歸者還金亡者慚稱長者本傳

易太原徵音齊大夫易牙之後卽雍巫也善知味

易雄長沙人爲縣吏脫幘掛縣門而去後東晉舉孝廉遷別駕

易餘慶宋乾德中父喪廬墓產玉芝擢大理丞

母喪平生嗜栗乃植二栗於墓樹長連理時

純孝先生

會要

易被宋狀元詞云東郊春莫襟袖沾飛絮寶馬趁

雕鞍亂紅中香塵滿路十千斗酒相與買春閑

吳姬唱秦娥舞拚醉倒青樓暮

劇洛陽角音齊大夫食米於劇因氏

劇孟前漢人以任俠博徒顯名母喪送車千乘表益傳

周亞夫得孟若得一敵國漢景帝時吳楚反周用之以勝

郟濟南商音晉大夫後郟文生豹豹生芮芮生郟缺

缺生克

郟缺耕於冀夫婦相敬如賓司空季子司臣白季使過冀言於晉文公用爲下軍大夫小學

郊詵博學多才瑰偉倜儻晉武帝時對策第一帝
問對曰猶桂林一枝崑山片玉擢右丞遷雍州
刺史

狄天水徵音周成王封少子於狄城因氏

狄仁傑字懷英并州人為并州法曹參軍親在河
陽登太行反顧白雲孤飛曰吾親舍其下瞻望
久之雲移乃去唐書封梁國公謚文惠頌曰取

日虞淵洗光咸池潛授五龍挾之以歸忠臣錄

武后時為相薦姚崇張柬之等語謂桃李盡在
公門蘭仁基曰斗南一人而已后為帝蒙耻奮

忠卒復唐室 今舉人舉其子光嗣為尚書郎

稱職后曰昔祁奚內舉得人今卿是也本傳

有堂姨盧氏媼公啓其子有何願盧氏曰止一

子不事女主人公大漸本傳

公為江南巡撫吳楚多淫祠公毀一千七百餘

所止留夏禹吳秦伯季札五負四祠事文類聚

遷幽州都督賜紫袍金帶親製金字十二於袍

以旌其忠唐書

狄青風骨奇偉善騎射宋仁宗朝西夏叛公為延
州指揮使儂智高叛公為樞密副使任鄜延無

不克敵由是西北以安 宋鑑

翟南陽徵音黃帝之後代居翟以地為氏

翟公漢武帝時廷尉賓客填門及罷門外可設雀

羅後復為廷尉客欲往公乃大書其門曰一歎

一生乃見交情一貴一賤交情乃見 鄭當時傳

翟黑子元魏封遼東公使并州受賂布千疋事覺

帝問不以實對竟怒殺之 北史

墨梁郡官音孤竹君之後本墨台氏後去台姓墨君

名初字子朝湯封孤竹君夷齊其子也地理志

云城在遼西

墨允字公信即伯夷墨智字叔達即叔齊伯長叔

少夷齊其謚也夷齊諫武王伐紂周有天下義

不食周粟隱於首陽山歌曰登彼西山兮采其

薇矣以暴易暴兮不知其非矣神農虞夏忽沒

兮我安適歸矣于嗟徂兮命之衰矣遂餓而死 本傳

墨翟宋人見絲而悲謂其可以黃可以白著書號

墨子宗禹之後韓文墨突不得黔言急於齊人

也 史記

酈新蔡徵音黃帝支孫食采於酈以邑為氏

酈食其高陽人秦末因鄉人為沛公卒高陽傳召

見公方據床兩女子洗足酈生長揖不拜曰足
下欲助秦攻諸侯欲率諸侯攻秦公罵曰堅儒
天下苦秦苛法久矣何爲助耶生曰合義兵誅
無道秦不宜踞見長者公乃輟洗延生上坐問
計曰足下兵不滿萬欲徑入強秦是探虎口也
夫陳留天下之要衝且多積粟臣善其令遂下
陳留號廣野君弟商亦聚數千人屬沛公後漢
王遣說齊下七十餘城韓信復伐齊齊人烹之

通鑑

○八緝

汲清河羽音衛宣公太子伋居汲因氏

汲黯爲東海守清淨理民漢武帝建元初入爲主
爵都尉上嘗在武帳不冠黯奏事上避帷中使
可其奏莊助曰使黯任職居官無踰於人至於
輔少主守成招之不來麾之不去上曰然

通鑑

免官歸田園召拜淮陽太守黯曰臣願爲中郎
出入禁闈補過拾遺上曰淮陽吏民得君之重
卧而治之居十年卒

○九合

盍河南商音

盍延身長八尺彎弓二百斤漢光武拜虎牙將軍

封安平侯

○十葉

葉南陽羽音楚沈諸梁字子高食采於葉因氏

葉法喜處州人唐開元中正月望日玄宗謂葉仙

師曰四方何處燈極麗對曰無踰廣陵帝曰何

法以觀之俄而虹橋起於殿前師奏橋成但勿

回顧帝與太真高力士黃番綽樂官數人從行

俄至廣陵燈火士女陳設華麗帝大悅命伶官

奏霓裳羽衣曲數日奏仙人現五色雲中

明皇雜錄

明皇與詩云清溪道士人不識上天下天鶴一

隻洞門深鎖碧窓寒滴露研硃點周易授銀青

光祿大夫 明皇雜錄作葉靜能開元錄作葉

法靜有葉靜能為祭酒黨韋后隆基平亂殺之

葉法善撫州人善陰陽十筮之術年一百七歲卒

葉清臣宋天聖進士試雲瑞紀官宋郊第一清臣

第二同入翰林

葉夢得宋翰林學士晚年居雪溪弁山之下詩酒

自娛號石林

葉祖洽宋熙寧進士邵武有瑞榴觀實為登科驗

是年雙實中二名

聶河東徵音衛大夫食於聶因氏

聶政軹人初韓相俠累與濮陽嚴仲子有惡仲子以金百鎰爲政母壽政不受曰母在未敢以身許人及母卒仲子乃使刺俠累累方坐府兵衛甚衆政直入利之因自皮面抉目刳腸暴尸于市購莫識其娣婆聞而往哭之曰是軹深井里聶政也妾柰何畏没身之誅而没賢弟之名遂

歿尸傍

史記

聶夷中五代人擢進士有詩名傷田家詩人謂三百篇之冠

夾允宋人性敏而貧求仕任陳州司獄有富商得夾罪繫獄聽決其僕謀於允曰主有餘財若相活可盡酬允乃計許之得財鉅萬乃假成文卷爲輕罪結日發落乃夜較獄曰商得死罪使飲食足錄囚必責乃減食加刑數日而死召其僕曰文卷已成印判發落夜暴死僕曰非不盡心無命也乞尸化歸允謂名利俱得乃免官歸惜無子繼後乃取妾一歲生才子八九歲歷覽諸書十六舉狀元授台州路學錄衣馬酒色恣其欲家財殆盡十七病歿於家父母哭之垂死親隣

共惜之踰月而葬父母固欲開棺視之隣里以爲尸腐抱持開棺遠視尸變爲四五十有髯者乃富商貌也允止哭曰天示人我敢隱具述前事人爲歎息司馬公聞之驗實紀其事于集末
永樂大典

○覆姓

公孫高陽宮音黃帝大岳之後 嬰齊魯大夫 杵

曰趙家臣 詳趙

公孫鞅衛人秦孝公下令曰有能強秦者吾尊官分土鞅入秦因嬖臣景監以見王說以富國強

兵之術公大悅以爲左庶長變法令於是太子犯法曰法之不行自上犯之刑其傅公子虔黥其師令行十年國大治伐魏盡獻河西地秦以商於十五邑封爲商君公薨子惠文王立公子虔之徒告商君欲反捕之鞅出亡欲止客舍舍人曰商君之令無驗者坐之鞅歎曰爲法之弊一至此哉去之魏魏不受內之秦秦車裂以徇滅其家

公孫僑字子產爲鄭大夫晉楚不能加以乘輿濟人於溱洧孟子曰惠而不知爲政

公孫弘漢武帝舉賢良家貧不能起故人鄒長靖
備之詳鄒

對策曰人主和德於上百姓和合於下則天下
知應矣擢第一

爲相大開東閣延賓客自給一肉飯脫粟卧以
布被

公孫述茂陵人爲清水長更始時詐爲漢將軍起
兵應漢遂據蜀爲王光武元年稱帝隗囂使馬
援觀之援與舊盛陳以見援退曰子陽井底蛙
耳漢命吳漢將擊之出戰高午奔刺洞胃卒鑑

端木魯國羽音子貢之後

端木賜字子貢過漢陰見一丈人抱甕灌畦用力
多而成功少子貢曰有械於此其名桔槔鑿木
爲機前高後低挈水若沃丈人笑曰有機事者
必有機心吾不爲也子貢慙而退史記

鍾離會稽徵音齊賢人鍾離子昧之後本秦祖嬴姓
鍾離春齊無鹽邑之女有賢德貌甚陋曰頭深目
長指大節昂鼻結喉肥項少髮折腰跌腹肌膚
若漆年四十無所容身市街不售乃拂拭短褐
試宣帝願備後宮王聞其賢立爲后列女傳

司空頓丘徵奇侍禹為堯司空以官為氏

司空圖唐人預為塚壙常引客坐飲塚中賦詩客或難之圖曰君何不廣也生歿一致耳吾寧暫遊此中哉

初為御史大夫見唐衰不欲仕復召陽為衰野墮笏還山作休寧亭

司空曙唐大曆中才子為揚州督

互見韋

司馬河內徵音程伯休父為周司馬錫以官族因氏司馬談世為周太史漢建元中為太史令子尊稱太史公

了子遷字子長生龍門南遊江淮上會稽探禹穴窺九疑浮沅湘涉汶泗講業齊魯鄉射上鄒嶧山過梁楚以歸本初中為太史武帝獲麟紬石室金匱之書作史記上紀黃帝下止獲麟劉向楊雄皆稱良史之才

漢書

谷任少卿書曰太史公牛馬走自謂公之牛馬僕而已

嘗曰猛虎處深山之中百獸震懼及處陷阱則搖尾乞憐

司馬相如字長卿成都有昇仙橋將東行題柱曰不乘駟馬車不復過此橋漢文帝時為文園令

著子虛賦漢武帝讀之曰恨不得與此人同時

西京雜記

嘗過蜀郡臨邛富人卓王孫具宴召及臨邛令

酒酣令前奏琴

即絳綺也

長卿好之願以自娛時王

孫有女文君新寡好琴相如以琴心挑之歌曰

鳳兮鳳兮歸故鄉遨遊四海求其凰時未通兮

無所將何悟今日升斯堂有艷淑女在此房室

邈從遠愁何腸何緣交頸爲鴛鴦又歌曰鳳兮

凰兮從我棲得托字尾永爲妃交情通體心相

怡中夜相從知者誰雙羽俱起翔高飛無感使

我心傷悲相如時從車騎甚都文君夜奔相如

歸成都家徒四壁文君不樂其俱臨邛賣酒文

君當壚相如滌器王孫耻之與僮僕百人錢百

萬遂爲富人

玉臺新詠

將聘茂陵女子爲妾文君作白頭吟以自絕云

曉如山下雲莫若雲間月良人有殊意故與相

訣別又云淒淒重淒淒嫁女不須啼願得一心

人白頭不相離感而止

司馬徽字德操有知人之鑑不談人短每事稱好

隣有子喪報之曰好妻諱之曰爾言亦好

世說

司馬光字君實號涑水先生陝州夏縣人宋熙寧
中門下侍郎神宗元豐七年資治通鑑成上之
上自爲之序年六十八卒贈太師封溫國公謚
文正

善事其兄伯康年將七十敬之如嚴父保之若
嬰兒饑寒顧問年八十餘友愛尤篤小學

幼與羣兒戲一兒墮大水甕中衆皆驚報公獨
以石擊甕兒得不死衆皆異之奇童傳

諸葛琅琊徵音殷時侯國葛伯之後舊居瑯琊徙陽
都先有葛在時人謂之諸葛

諸葛亮字孔明寓南陽隆中漢建安中徐庶謂劉
備曰諸葛孔明卧龍也備三顧草廬之中咨以
當世事亮乃起備曰孤之有君如魚之有水也
備即位以亮爲相蜀志

南征渡瀘伐越雋斬雍問孟獲素爲夷漢所服
收餘衆拒亮亮募生致之使觀營陣曰鄉不知
虛實故敗今祇如此縱之再戰凡七縱七擒再
遣不去曰公天威也南人不敢反矣蜀志

攻魏作八陣圖天地風雲飛龍翔鳥虎翼虵蟠
或曰常山虵勢也作木牛流馬人不勞牛不食

講武勸農上前後出師表 本傳

蜀建興十二年大星墜營平司馬懿迎之軍中

反旗鼓若將向懿懿不敢逼乃反葬諺曰死諸

葛走生仲達謚武侯 通鑑

諸葛瑾字子瑜有風度仕吳封宛陵侯 子恪有

才名封鄆鄉侯

公儀子休相魯食茹而美拔園葵見織而出婦不與

民爭利 史記

公羊高子夏弟子傳春秋與左氏穀梁為三傳

王孫河南宮音周大夫項王孫滿之後 左傳對楚

子鼎問

王孫賈齊大夫事齊湣王燕伐齊楚淖齒殺王 互見

淖母曰汝朝去而暮來則吾倚門而望汝暮出

而不還則吾倚閭而望今王出走汝尚何歸賈

乃聚眾誅齒 史記

皇甫宋戴公之子名充石字皇父因氏 後改父為

甫

皇甫謐博綜典籍號玄晏先生 子方回少有文

才蠶而後衣耕而後食閉門讀書不入城府

皇甫湜韓門弟子唐元和中裴度辟為判官度修

福先寺求碑白居易湜曰近舍湜而遠求居易請辭度使作碑飲酒立就裴酬車馬器玩約千緡湜怒曰碑文三千字每字三匹絹更減不得裴笑依數酬之

皇甫枚爲縣主簿邑有小山隨風雨降林木茂盛民有蘇之未持斧見一美女立於前乃驚走女呼之曰我青女也血食此地報有司立廟降日致祭有司乃立廟俾樵者圖其像美麗甚肖後枚主縣事與其友夏侯禎偕祭享昨畢枚遊行禎眷戀久之取餘酒醉曰禎年少未有偶願爲

堂下掃除之隸禎歸疾甚昏懵不覺報主簿視之不能言僕人以告枚問之禎以首撼乃爲文遣吏祝之曰夏侯禎不勝蓋筆之餘致有慢言以瀆神聽今疾作矣抑降之罰邪抑果其請邪抑降之罰上帝好生之德而使神滋虐於下土乎抑果其請是神含真淨之德播淫佚之風使九閻一叫必露幃箔不修之責念張碩而動雲駢顧皇甫而解明佩神其裁之禱畢禎康豫如故

永樂大典

歐陽渤海宮音越勾踐支孫封烏程有歐陽亭因氏

歐陽修字永叔廬陵人文章冠世宋嘉祐中參大政知貢舉考卷後覺有朱衣點頭其文入格

嘗曰人謂詩少達多窮非詩能窮人殆窮而後

工詩蘇內翰序云韓愈後三百年而歐陽出

在滁號醉翁 居穎號六一居士謂集古一千

卷藏書一萬卷琴一張碁一局酒一壺鶴一隻

吾老其間號六一 歷宋真仁英三朝官至太

子少師謚文忠公 子棐以文學為右司郎中

歐陽景與僧交金鑾僧求書與玉峯長老薦用封

書曰金鑾求與玉峯書金玉相乘價倍殊到底

不關藤蔓事胡蘆自去纏胡蘆

夷堅志

西門晉陽徵音鄭大夫居西門因氏 列子有西門

子

西門豹為鄴令鄴三老廷掾歲斂民錢為河伯娶

婦巫媪視小家女好而貧者聘取如嫁禮令女

坐牀席浮水中待沉豹往觀呼女曰此女不好

煩巫入報河伯更求好者投之不報復以三老

一人投之又不報曰是皆不能白事煩廷掾豪

長一人趨之衆皆叩頭流血告免民大驚自此

不復敢言 史記

申屠京兆徵音周幽王申后兄申侯之後居安定屠

原因氏

申屠剛性質方直常章又鮑黜之為人光武出

遊剛以首軼輪帝遂止

漢書

淳于河內羽音春秋時小國也因氏

淳于髡齊之贅壻善滑稽能飲酒齊威王問曰先

生能飲幾何而醉對曰臣飲一斗亦醉一石亦

醉曰一斗而醉惡能飲一石髡曰賜酒大王之

前御史在旁執法在後使臣恐懼畏伏而飲不

過一斗矣設若履舄交錯杯盤狼籍堂上燭滅

主人留髡而送客當此之時一石亦不醉矣史記

楚伐齊齊使求救於趙齊金百鎰車馬十駟髡

仰天大笑王曰先生少之乎曰臣見穰田者操

一豚蹄酒一壺祝曰甌窶清羹引長襪

滿家持者狹欲者奢故笑之王乃益千金璧十

雙車馬百駟嘗設譬曰炙輶過髡輶膏車器也炙之難盡○史記

淳于意漢文帝時為太倉令得罪當刑歎曰生女

不生男緩急無以救少女緹縈上書曰妾父為

吏齊中稱其廉平今坐法當刑妾傷夫死者不

可復生刑者不可復贖雖欲改過其道無繇願

沒入爲官婢以贖父刑帝憐而赦之遂除內刑

說苑

淳于芬宅南有古槐嘗醉卧其下夢玄衣使曰槐安王奉邀往入大城題曰大槐安國傳呼曰駙馬遠降升廣殿一人練服朱冠令拜王曰奉賢尊命令女瑤芳奉承君子佳姬數千奏樂執燭金翠步障至一門曰修儀宮號金枝公主儼若神仙成禮日洛王曰吾南柯郡政事不理屈卿爲守勅有司具車馬錦綉餞公主行夫人戒子曰淳于郎性剛嗜酒爲婦當柔順事之至郡下車省民風郡大治凡二十年王賜爵邑生男五女二公主以疾卒王請護喪赴國王與夫人素服郊迎葬於盤龍岡有上表云國有大恐宗廟將壞王使送生暫歸逆寤斜日未隱因尋槐下穴大可容榻有蟻數斛二大蟻素翼朱首又窮一穴直上南柯群蟻處其中生感歎之是夕風雨大作明日視之群蟻不知所之

事文類聚

叔孫欽郡徵音魯桓公子叔牙生茲號叔孫氏

叔孫通秦博士歸漢與魯諸儒起朝儀綿蕞野外

拜太常

禮樂志

獨孤高平徵音先本姓劉至後魏北有三十六部獨

劉不與因為氏

獨孤信美容儀善射騎仕魏為秦州刺史

主父臨淄官音趙武靈王號主父因氏

主父偃漢武帝朝上書朝奏莫召曰何見之晚拜

郎中一歲四遷

老萊楚賢人孝奉二親行年七十未娶作嬰兒戲着

五綵斑斕之衣上堂詐跌為兒啼以樂親高士傳

夏族譙國商音夏禹之後封杞楚滅簡公弟他齊魯

封夏陽侯因氏

夏侯嬰號滕公漢祖定元功封汝陰侯嘗駕至東

門外馬踏地悲鳴掘地得碑銘曰佳城鬱鬱三

千年見白日吁嗟滕公居此室西京雜記寧漢

祖言李布赦為郎互見季

韓信未知名坐法當斬仰見滕公曰王不欲天

下乎何為斬壯士也公奇其言而釋之後大用

韓信傳

夏侯勝明尚書洪範五行傳嘗曰士病不能明經

苟明取青紫如拾地芥不明不如歸耕漢宣帝

為為諫議大夫遷太傅

長孫濟陽商音魏獻帝三兄拔拔氏孝文以皇枝之

長改為長孫氏

長孫無忌唐太宗長孫后兄定天下功第一封齊國公

長孫順德為唐太宗將軍奉使受絹事覺上曰朕有府庫與卿等共之何至貪冒如此乎乃賜帛數十匹

唐鑑

第五隴西宮音齊田氏之後漢初田氏徙園陵者多以次第名因氏

第五倫或問有私乎曰吾兄子嘗病一夜十起退則安寢吾子有疾雖不省視而竟夕不眠若此

豈無私乎漢光武時為司空

第五琦至德初謁肅宗曰假臣一職請悉東南寶貨飛餉函洛帝悅拜監察御史

尉遲太原徵音與後尉同起尉遲部之後孝文時改為氏

尉遲敬德武德初秦王府參軍屢立大功封鄂國公圖凌烟閣

屈突河內徵音本居玄朔後魏文帝改為屈氏西魏為屈突氏

屈突通仕隋為虎賁郎弟蓋為長安令俱厲正時

人語曰寧食三斗葱莫逢屈突通寧食三斗艾
莫逢屈突蓋

本傳

百里秦國角音百里奚亡出居百里因氏

百里奚其先虞大夫晉人以垂棘之璧與屈產之
乘假道於虞以伐虢宮之奇諫曰虢虞之表也
虢亡虞及之唇亡齒寒之謂也不聽奚知公之
不可諫走宛楚人執之秦穆公聞其賢以五羊
皮贖之歸號五羖大夫遂以為相進蹇叔為上

大夫

史記

嘗會客作樂堂上有澣婦自言知音召之乃援

琴歌曰百里奚五羊皮臨別時烹伏雌炊粳

今日富貴忘我為乃其妻也

本傳

令狐太原商音畢公高之後畢萬仕晉孫魏犨生顥

別為令狐氏

令狐策晉人夢立冰上與冰下人語索統曰以上

為陽下為陰為陽語陰媒介事也冰泮而昏成

會太守田豹因策求張公徵女為子婦仲春成

婚

三十國春秋

令狐絢唐大中初為翰林學士夜對禁中燭盡以

乘輿金蓮炬送之望者以為天子至

唐書

賀若弼居玄朔隨魏南遷其俗謂忠貞曰賀若因氏
賀若弼少有大志隋文帝善之賜寶刀定三吳拜

大將軍

東方濟陽羽音處犧之後帝出於震是為東方因氏
東方朔字曼倩平原人漢武帝舉賢良朔自薦上
偉之為郎待詔金馬門遷中大夫

風俗通

帝降西王母朔窺之毋曰此兒三偷吾桃昔為
太仙宮令擅用雷電激波揚風蛟龍陸行黃雀
宿淵九潦丈人言於太上遂謫人間後乘雲龍
飛去不知所之

方朔傳

朔作神異經南荒之外有火山中皆不燼之木
晝夜火燒雖風雨不滅中有鼠重百斤毛長二
尺餘作布火不灰

神異經

帝社賜從官肉大官未至朔割肉以歸有司奏
帝令自責再拜曰受賜不待詔何無禮也拔劍
自割何壯也割之不多何廉也歸遺細君又何
仁也上笑曰令卿自責乃反自譽復賜酒肉

本傳

奏上曰侏儒三尺奉一囊粟錢二百四十臣九
尺三寸錢粟不能過侏儒飽欲死臣朔饑欲死

上大笑賜之

風俗通

羊舌晉有攘羊者以頭遺叔向母母埋之事覺掘之
惟骨與舌因氏

羊舌昉即叔向也晉上大夫衛饋之羹錦一篋向

受羹返錦 左襄十二年

霍里子高朝鮮人晨起刺船見一白首狂夫被髮攜
壺亂流而渡其妻止之不及遂溺歿妻乃攜篋
箴鼓之歌曰公無渡河公終渡河公墮而歿當
奈公何音甚淒切曲終亦投河歿子高還以其
聲語妻麗玉麗玉傷之引篋箴寫其聲為箴箴
引

穀梁魯郡商音魯穀梁赤之後赤著春秋號穀梁傳
宇文趙郡商音南單于之後因獵得玉璽其俗謂天
為宇璽為文

宇文化及隋臣與封德彝數傷帝罪縊帝於江都
自稱許王欲立眾不從殺之 通鑑

宇文融唐開元中為勸農使分行天下募壯士旬
日得精兵十二萬分隸諸衛更番古者寓兵於
農兵農之分始此 通鑑

宇文深為兒時壘石為營折草為旗父曰此子必
作將仕周為將

上官天水羽音楚王子子蘭為上官邑大夫因為氏
上官儀工詩唐太宗每屬文遣儀觀草任西臺侍

郎

耶律遼之後

耶律履通易大玄仕金為翰林學士

大金志

耶律楚材蒙古相元太祖至東印度國見一角獸

鹿形馬尾人立而言曰汝軍早回帝問楚材對

曰此角端也好生惡殺解四夷語蓋天遣以告

陛下帝即班師

元史

公輸子名班魯之巧人也楚王令造雲梯以攻宋墨

子守之

淮南子

伯顏蒙古左相元世祖命收江南曰汝能不殺吾曹

彬也

出征詩曰劍指青山山欲裂馬飲長江江水竭

精兵百萬下江南干戈不染生靈血出征回詩

云馬首經從庾嶺歸王師到處悉平夷指頭不

帶江南物只插梅花一兩枝

馬鞭詩云一節高兮一節低幾回敲鐙月中歸

雖然三尺無鋒劍百萬英雄屬指揮

風雅

契丹北有狗國人身狗首長毛不衣語若狗嗥其妻

皆人能漢語生男爲狗生女爲人自相婚嫁穴居食生妻女食熟有中國人至其國妻使逃歸以一十餘隻教其行十里遺一隻狗逐之見家物必啣歸則復去再四則不及追矣

五代史

匈奴傳云唐虞曰山戎曰獯鬻夏曰淳維殷曰鬼方周曰獫狁漢曰匈奴唐曰突厥宋有契丹主國號遼

古有盤瓠者本高辛氏宮老婦有耳疾治之有物如蜃以瓠盛之盤覆之俄化爲犬因名盤瓠有大戎吳將爲寇帝募得吳將者賜金邑妻以女盤瓠得令啣首至帝喜且謂不可妻又不可違信乃與之犬負入南山生六男六女自爲夫婦言語侏離其後曰蠻夷今武陵蠻是也

搜神記

○佛道

佛周昭王二十四年四月初八日生於中天竺國父淨梵王母摩耶夫人出母右脇名息達多住世七十九年後漢明帝永平十一年遣使求其道得其書圖其形及沙門攝摩騰至京師佛教入

中國之始

通鑑

大慈禪師云今朝正是四月八淨梵王宮生息

達九龍吐水天色昏一足七蓮從地發佛運統紀

達磨大師乃南竺國香至王第三子西天為二十

八祖梁大通元年始入中夏為初祖大興佛事

與王語不契踏蘆渡江居少林寺面壁九年不

立文字必葬熊耳山魏宋雲使西域迴遇師於

葱嶺杖挑隻履云西天去帝令啓棺惟一革履

在焉高僧傳

丹霞禪師於慈林寺遇天寒破木佛燒之人有譏

之曰燒舍利人曰木頭何有師曰爾何責我乎

傳燈錄初習儒應舉遇人曰選官何如選佛乃

見江西馬祖大師求道

破竈和尚岳州廟有一竈甚靈遠近祭祀師以杖

敲三下咄云只是泥土合成聖從何來竈乃墮

落因名傳燈錄

惠遠法師即遠公也少為儒生極覽羣書後出家

抵潯陽見廬山愛之乃止龍泉精舍寓西林建

東林寺經綸之際山神降靈風雨夜作及明良

材殊木駢羅委積晉將軍桓伊驚異奏立寺焉

謝靈運恃才傲物見遠公大服求入社陶元亮

居柴桑愛其曠逸招之入社

居廬山興國寺流泉周匝下入虎溪師在彼修道誓不過虎溪過則虎輒號鳴時陶元亮陸修靜師送與語道合不覺過之相與大笑世傳虎

溪三笑

廬山記

嘗養一鶩隨遠聽經及遠入京鶩晝夜鳴噪不已弟子送入京至門逕入公房每講經卽入堂伏聽若閑談則鳴翔而去如是六年晉義熙十三年師八十四鶩忽悲鳴不入室二旬遠公卒

西京雜記

祖江西大師出世選佛場也丹霞將應舉遇禪客曰選官何如選佛曰何所曰江西馬祖大師也

佛圖澄姓帛氏天竺人晉永嘉往天竺年已百餘歲常服氣自養役使鬼神腹旁一孔常以絮窒之夜則拔之光照一室至流水於孔中引五臟洗內腹中千里外事如對面焉石勒召問佛法知其不達乃呪鉢水生青蓮花謂弟子曰石氏當滅吾未及亂先化遣人辭趙王石季龍龍曰和尚棄我國有難乎卽慰澄澄曰出生入死道之常也至八日坐逝春秋一百七十後有雍

州見澄西入關石勒發塚惟石焉勒曰石朕也
吾將死焉明年果滅

智永禪師王羲之七代孫善書求者多門限爲之
穿以鐵皮包之號鐵門限退筆瘞之成塚

傳大士齊明帝建明四年五月八日生於婺州義
烏縣名翕字玄風年十六娶妻劉氏妙光生二
子普建普成年二十四於稽亭塘泝水取魚遇
嵩頭陀語曰我昔與汝於毗婆尸佛前發願度
生今何時還堯率官令臨水觀影見圓光寶蓋
遂悟前身乃於雙松樹結草菴與妻晝作夜歸

敷演佛法妻子俱成道

本傳

以經繁多人不能遍閱乃就山中建一層龕一
柱八面實以諸經運行不礙謂之輪藏仍以願
言登吾藏門者生生世世不失人身與誦功德
無異年七十三卒

寶誌大士卽誌公由金陵東陽朱氏婦聞鷹巢兒
啼梯樹得之養爲子七歲依鍾山僧出家 謀
舒州潛山奇絕山麓猶勝時白鶴道人亦謀之
請於梁武帝令各以物誌其地者得之已時鶴
先去至麓將止聞空中錫聲遂卓於麓鶴次之

道人不慳而言不可改

梁帝召見便殿忽輦蹙引頸與歎問之曰仇敵生矣是時候景生於鮮卑

齊永明中忽着三頂布帽未幾齊武帝崩惠文太子豫章相繼殂年九十三入滅建塔於鍾山布袋和尚明州奉化人常以杖荷布囊供身之具盡貯囊中入市見物則乞醯菹之類亦投於內卧雲不沾吉凶必應梁貞明二年示寂於岳林

寺廊下

釋氏通鑑

唐蘇晉得綉佛云卽布袋也曰是佛好飲米汁

與我合請事之

杯渡和尚劉宋時婺州有僧不知姓名乘木杯渡水傳燈錄

白足和尚曇始足白於面洗涉泥水不污魏崇道士寇謙之滅佛燒毀寺院僧尼梟斬始杖錫至宮門報令斬之不能傷奏之乃自以佩刀斫之亦不損乃舍之高僧傳

智積菩薩梁夫監中以吳王故宮地爲靈巖寺寺成有異僧負鉢囊入寺敝衣黎面衆莫知識夜半索筆自圖其形於東壁黎明不見數日有胡

僧來見曰嗚此西土智積菩提也

唐相陸象先吳人其弟得危疾醫治莫効一日有僧問疾及見以水嚙之即愈象先出金幣弗受謂曰我靈巖僧他日還哭來過我不復見後爲尚書還吳至靈巖問僧無有惟壁間畫像肖焉如言嘯如舊師友驚喜亟拜施錢五十萬

宋改靈巖爲秀峰禪院

黃蘗運禪師遊方得道思父母至家止見一婆子問何處曰江西婆曰我子出家江西多年不歸因借宿運足心有一大痣令婆爲洗足婆失記

次日辭去與外人曰老母不識山僧但母子一見足矣人報其母母趕至福清淀運已登舟母一跌而歿運不回但於隔岸見火云一子出家九族生天若不生天諸佛妄言擲火然兩岸人皆見其母於火焰中轉爲男子身乘光上升後宮改爲大義渡

生公講經於姑蘇虎丘寺人無信者乃聚石爲徒與談至理石皆點頭今說經臺基尚存焉

玄奘禪師將往西域於靈巖寺手摩松曰吾西去求佛教汝可西長一年枝轉東弟子曰吾師歸

女流珠璣 卷六
矣迎之果還

大唐新語

法欽禪師唐開元間依鶴林寺元素禪師出家請遊南方素曰過徑即止至餘杭聞東北有徑山默省素語乃尋駐錫之地有老人前致曰願捨此地請南登絕頂五峰之間乃一大湫曰吾家若去此當漲留一穴水幸勿湮之時來相助言訖不見但見雲霧晦冥風雨驟作及曉雨霽水涸惟一穴龍井焉自此營剎爲天下名山

本傳

一行禪師姓張氏唐睿宗時人經籍一覽百世不忘善天文筭數玄宗召見光泰殿訪安國之要作儀準圓天之象日月運行晦冥朔望不差毫厘問國之休咎曰鑿輿有萬里之行

本傳

有里姬素敬一行其子以罪繫獄將刑求救於一行行以數推之富有赦遣其徒以布囊於某處廢園伺之其物來其數七共捕以囊盛之獲七豕一行置大甕中密覆呪封以梵字太史奏北斗不見名師問之曰莫若大赦從之星復見

酉陽雜俎

壽四十五坐逝

僧迦大師西域人唐龍翔初來於泗州臨淮信義坊乞地施標將建伽藍於標下掘得古香積寺

銘記金佛一軀中宗聞而召之居薦福寺獨處一室頂上有一穴以絮室之夜則去絮香從穴中出曉則香入又以絮室之人取其洗足水洗癩癬皆愈景龍四年端立而逝中宗令於寺起塔俄而大風臭氣滿長安帝問近臣奏曰師化緣在臨淮恐欲去中宗心許之其臭遂息送至

臨淮起塔

江湖紀聞

華林覺禪師唐相裴休往謁問有侍者否曰有一兩箇乃喚大空小空二虎自菴後出休大驚復曰有客且去虎復去

佛印禪師名了元饒州人住金山東坡見之師曰內翰何處來此間無坐處坡戲曰借和尚四大作禪牀師曰山僧有一轉語內翰言下卽答當從所請否則願留玉帶鎮山門坡卽解帶置案上師曰四大本空五蘊非有內翰欲於何處坐公擬未定師遽呼侍者收玉帶永鎮山門公笑而與之

佛在世時有比丘見群鴈飛乃念曰此鴈可充我食忽一鴈投下佛曰此鴈王也不可食於是瘞焉建塔卽慈恩塔自唐神龍來進士登第者皆

銘記金佛一軀中宗聞而召之居薦福寺獨處一室頂上有一穴以絮室之夜則去絮香從穴中出曉則香入又以絮室之人取其洗足水洗癩癬皆愈景龍四年端立而逝中宗令於寺起塔俄而大風臭氣滿長安帝問近臣奏曰師化緣在臨淮恐欲去中宗心許之其臭遂息送至

臨淮起塔

江湖紀聞

華林覺禪師唐相裴休往謁問有侍者否曰有一兩箇乃喚大空小空二虎自菴後出休大驚復曰有客且去虎復去

佛印禪師名了元饒州人住金山東坡見之師曰內翰何處來此間無坐處坡戲曰借和尚四大作禪牀師曰山僧有一轉語內翰言下卽答當從所請否則願留玉帶鎮山門坡卽解帶置案上師曰四大本空五蘊非有內翰欲於何處坐公擬未定師遽呼侍者收玉帶永鎮山門公笑而與之

佛在世時有比丘見群鴈飛乃念曰此鴈可充我食忽一鴈投下佛曰此鴈王也不可食於是瘞鴈建塔卽慈恩塔自唐神龍來進士登第者皆

賜宴曲江上題名塔下遂為故事

湖州法華山有樵夫見青蓮一枝掘地有石函藏一童子舌根不壞花自舌出是人誦法華經致此因為山名

阿潘洛陽婦人漢明帝時出家為尼自此始晉何充舍宅為尼寺之始仲果女亦建寺為尼

互見仲

○說辭

有婦私於人夫將歸其人憂之婦曰吾為藥待之矣夫至使妾奉酒以進妾知之進則殺主父言則逐主母欲兩全之乃陽僮覆酒主怒笞之此

所謂懷忠義而得罪者也

戰國策

臬逢鳩而謂曰鄉人皆惡我鳴吾欲東徙以辭子鳩曰子能更鳴乎曰不能然則東方之人亦惡子之升矣

說苑

里有姑亡肉以婦盜而逐之隣姑善其婦乃東蘊於亡肉之家求火曰夜者二犬爭肉吾犬被殺請火治之其家悔而還婦

荆轲傳

宋有耕者遇兔駭走觸株折頸而死持歸因釋耕守株冀復得兔

韓子

淮南塞上翁失馬人皆吊之曰未知禍與福數月

馬將駿馬至人復知之曰未知禍與福家富馬
良其子好駿墜而折髀人吊之曰詎知禍與福
明年胡寇大入丁壯戰士十九其子以疾得全

淮南子

狙公宋人養狙成羣欲限其食曰與若朝三暮四
衆狙皆怒然則朝四而暮三衆狙皆喜

列子

一老僧勤於修道寄住於寺中以常住喧雜結屋
於巖上飲食餽之或不繼巖石旁微有泉給米
自炊亦或不繼石旁復有小穴出米可給衆異
而觀之食之盡飽乃開堂聚衆鑿米穴令大遂



原件短缺

P52后缺

